

徐文長逸稿

徐文長逸稿卷四

山陰

張汝霖肅之父

評選

張維城宗子父較輯

王思任季重父

七言律詩

千葉碧桃花

陳文學樹會稽太守停蓋折一枝

曲巷高牆立水隈，碧桃如盞盡重臺。
倍將夜月憑誰發，吹殺春風未易開。
清麝乍飛明府蓋，寒酥濃笑美人腮。
年年遶樹雙蝴蝶，說是何郎爲粉來。

上虞母夫人詩

凡貞婦詩不較工否，小家苦

節借文人永之亦道理事

遙思貞女存孤日，何異忠臣寄命時。身作秋衣今皓首，光爭明月豈蛾眉。坐臨鳧彩仙郎袖，起接鸞褱小婦卮。此地從來仙子宅，金壘咫尺似相期。

白雲遙祝爲韜仲賦

時仲以貢入京五月某日值其母生辰祝於舟中

江上遙遙望白雲，江中出沒數魚群。難將赤鯉供慈母，悔着青衫謁聖君。燕子拂舟撩客語，榴花度酒入蘭薰。天涯兩地遙相祝，水遠山長那得聞。

景文索送其縣史入覲

如君黃綬有芳芬，總隔娥江亦得聞。昔取鳴榔頻射水，今從鳧鳥遠乘雲。深宵巡徼提兵馬，絕谷來仙斷酒葷。益信今來無此輩，轉于梅福思紛紛。

張太君六十詩

大君之生爲六月三日，頃誦經卻葷。

上壽欣逢六十年，誰人不道太君賢。斷葱自昔俱成寸，翻貝從今總解禪。榆影北躔知漸永，蛾眉西月寫初圓。采衣未遂雙娛意，猶喜年年侍母筵。

雪中粉團

張肅之剪送甌中，瀟月尚鮮。號國淡掃及毳馬，俱稱景。

合蒂芳英弄大寒，風吹一月不能乾。粉肥已覺垂稍

軟雪厚仍煩挂斗圓。屬國節旄迷大漠。號旄表馬繡。
長安春姿一種嬌。銀海絕勝滇茶競臘殷。

牛首齋罷便往祖堂獻花巖迫晡矣 從感悟

處佞佛

牛首梯縣古佛場。樓臺絕頂百僧藏。香烟一一雲中
出。閣道薨薨鳥外長。三五沉魚陪冶俠。清明石馬臥
侯王。却憐爲景淪。貪海帶黑鞭。驢到祖堂。

祖堂夜歸 灑逸

兩地禪林一日窮。角巾百面折衝風。花枝作雪浮天

上酒禁從誰到寺中坐指帆檣江色暗買看池館杖
頭空歸來正上南城月醉臥松根聽暮鐘

與諸生三到徐氏園得兵曹郎簡而始入

王家支庶執金吾詔賜_一池絕上都一水盡含飛閣
動百花半映古槎枯紛華子夏猶難免賓客平原近
亦無不有銅魚能折簡白衣無限立春鋤

嚴先生祠 氣軒眉濶

大澤高踪不可尋古碑祠木自陰陰長江萬里元無
盡以表白日千年此一臨我已醉中巾屢忤誰能夢裏足

長禁一加帝腹渾閒事何用仿人說到今

虎丘

杜甫蕃劍詩虎氣必騰上人言闔門之蓋致白虎乃是劍精理或然也又吳人至中秋之夕競曲於此虎丘之茗佳者斤率金二兩許四句謂西子也

鞭轡高倚壁嶙峋，劍水沉沉草樹蕃。
虎氣必騰千尺土，蛾眉曾照兩灣顰。
不勝清拍中秋夜，盡委黃金數葉春。
誰記君王舊歌舞，衰信姓官殿已成塵。

約觀水閣往遲遂虛馮太常飯及歸又失鄭職
方魏園之觴

燕子磯頭風日黃，遊戎校士水中央。
春深痛飲辜司

馬日怡怡不清齋虛太常大樹低花遮勒短紅旗白羽塞
盧長何從一飽饑方朔自買魚蝦入醉鄉

送趙大夫掌南臺

舊嘗爲南御史
論分宜五六云

鼎地千年計不輕特從陽下借中丞長江旌節陪西
守大俠屠埋偃孝陵一道舊寒桓典馬羣公今職鄭
州鷹豐城雙劍頻勞扶解網相看是蒯繩

登報恩寺塔最上一層

寺已
火

報恩禪塔入雲霄萬歲千秋翊聖朝詎謂天龍銷
燼後尚餘鈴鐸度江飄高臨巨浸浮天濶下見深宮

盡日遙回首鄉園看不見亂山殘靄去迢迢

唐會稽以母憂歸上海

明府歸帆帶雪飛錢塘形色黯淒淒愁看水鯉橫江
臥詎許檣烏影浪啼邑里亦悲慈母去滄洲宜着孝
廉棲野人尚有南冠滯不抱瑤琴出越谿

宋氏吟書畫冊中

持將傲雪凌霜物寫出辨脂謝粉心粧鏡幾臺妝曉
匣孤雌萬壑守寒林春秋等是吾脩筆風雅那高節
裏吟自古食魚須食鯉娶妻須娶宋家禽

送馮太常

太常官秩儼清真，特遣南宮甲榜人。郊祀雅篇親得奏，伶官麗曲不同陳。朱壇碧柳時題壁，露笋冰鱗每薦新。想見他年赴徵處，獨辭高廟步恂恂。

登北山小憩龍王堂遂上鎮虜臺風至颯然因

感麻總兵校獵之約

北山寺在一座石中耳

塞圍宛

爾

北山高寺等浮屠，龍王高臺望入胡。正若衣鶉懷大漠，翻思毛雪灑平蕪。長河急水琉璃濁，片石安禪

蕭孤欲問射鵬何處是沙場不見有樵夫

寓宣府九日同楊惠兩鄉人集北山寺而昨夕
風烈甚雨卽成雪壤不膏故山悉赭結菊別
有所爲

北寺高臺大漠東他鄉尊酒兩萍逢飛花已作先秋
雪落帽何勞隔夜風百折不離山色赭數榆忽露寺
門紅世間何事非堪避安得萸囊日日縫

燈夕答訪諸君因尋百廿四歲老人未責霞誤
而爲仕闈所罵

帝城春色倍光輝。東市春燈錦作圍。白眼雙瞋遭客罵。青天一刺向誰飛。毬邊小俠穿塵入。花畔遊龍促馬歸。日仄不飡渾瘦盡。敢朝白鷺立漁磯。

馮刑部索書冊

共三首西署明刑 帝籍未耕 前刺奏最承恩春耕所重有宴

奏最者先收二 竝吾鄉人也

仙吏縣魚挾珮。除棘槐日仄出西衙。起籠綵轡垂歸馬。獨抱丹書坐落花。笑向燭邊求緩議。泣從車下發深嗟。致君有術寧遺此。莫認蕭曹但法家。

其二

專城奏課有光輝，兩世承恩曳錦緋。
鐘鼓雞人雙闕曉，殿廷鸞字五函飛。
高門正好過賓從，載道今聞有是非。
老矣何心評月旦，不勝鄉曲念依依。

送鄒刑部出知泉州府

鄒舊合無錫取汲惠山之泉而今之寓館適隣

清西

齋館清寒舊所持，水符嘗調惠山漪。
入從殿陛爭三尺，出付蛟鯨詎一麾。
細遶池風聞菡萏，平分苑月醉鸕鷀。
南天莫道無饒負，大海如雲鳥翼垂。

節婦篇

願爲良臣獨入一步，老杜弓矢往往

勾滿一送

縞衣綦履畧鄉鄰六十年來老此身
庭畔霜枝徒有夜鏡中雲鬢久無春
每因顧影啼成雨翻爲旌門切作
擧百歲雙飛元所志不求國難表忠臣

至日錢郎中世材先輩栢堂成同陳鳴莖朱允

中二丈燕集

主人種栢遂成堂栢大何須栢作梁
同在烟霞過歲暮獨食華實看天長
落成會見陽初至燕集那論夜未央
和酒旣非將側葉若爲杯酌有芳香

贈徐君

號龍陽嘉靖間著叅同契獻闕下不用去其隱處留明山中舊傳仙人所居至

今火

尚存

幾年應制畱西苑，晚注道書干。至尊正有神君居

帳裡，自應紫氣出關門。新栖洞壑，溪隨去，舊日仙人
火尚存。儻學捕魚來谷口，莫教失路似桃源。

送劉子臣入耶陽

纒共燈前倒玉卮，忽聞劔珮繫青絲。別予去泛瀟湘
水，爲客正當桃李時。應泊魚鄉頻買酒，暫投江寺一
題詩。卻憐不得長年少，何事年年長別離。

潘承天介飲

明霞淡靄釀重春，盛典高張禮樂陳。聖世山中歸一
老，園橋席上第三人。定知國學他年醜，且試庖烹此
日珍。燕罷蹄自歸路，小嘲茆屋有垂津。

芙蓉

一花流采著書邊，五寸芙蓉二月遷。側水羞生初試

鏡，啼紅嬌殺未笄年。叢藜惡棘穿根切，大柳深江浸
瘦眠。戲取世間閨閣事，權題霜色屋梁懸。

菊花

詩文長卷八 卷四
曾是將軍蒔菊餘，尚遺秋雪一藤癯。籬香伴酒經三
主，錢樹塗銀散五銖。往往抱霜冰，夜蝶亭亭插帽朗。
晴。萸落英，又道堪餐甚。坐看柴桑一事驅。

芭蕉

蕭然長衲綠衫翁，聽雨勾風事事中。大葉儘勝摩詰
雪，高花那定美人紅。卽作霜露秋牆委，亦伴椒脂粉
辟空。一樣連宵明月影，今朝先缺兩三叢。

玉簪

玉簪袖影暗差差，半口荒堦無盡期。小婦將花曾抱

粉。饑。人。望。葉。擬。挑。鴟。紅。芙。暈。胎。雙。俱。映。綠。髻。搔。頭。一。
不。施。定。作。蟻。蟪。根。葉。想。化。爲。蝴。蝶。等。兒。嬉。

萱

吳。刀。斷。水。水。難。分。藉。景。憂。憂。轉。頻。丹。棘。空。長。辭。艸。
鹿。白。頭。猶。見。倚。門。人。漸。鄰。惡。雪。屠。冬。候。別。字。黃。花。授。
饌。辛。葉。上。有。蟲。秋。唧。唧。汝。南。傷。別。北。堂。辰。

藜

笑。將。一。幹。嘗。妻。兒。病。骨。饑。腸。兩。責。之。多。事。去。燃。天。祿。
字。安。鳩。來。過。老。人。眉。山。林。猛。獸。今。誰。是。早。晚。繁。霜。正。

爾持他日短長憑杖者人間數尺紫玻璃。

雞冠

百葉秋臯盡一飛霜天孤爾伴鶉衣錦纓未鬪知誰
絕絳幘初籠聽漏歸同腐憐儂終草木高顛學鳳自
儀威少翁枉有彈塵物半向南山額上巍

山查

如聞海鳥不宜牲亦似山查便堊生紅後滿村量雀
卵秋來偏此只風聲對苹人馬傷孤抱種豆遷談少
一甥來往細腰爭窄莫須移浸與東陵

菊桃

舊欄東畔野葡桃，亦是張騫大宛苗。既取夏陰飛作
霰，詎嫌秋蒂纍如椒。月蠕牆影霜蛇去，風引藤香瓦
獸飄。付與荒堦隨意係，猶勝惡棘壞蘭梢。

土菩提

菩提五樹百顆懸，但策西功最爾先。點檢小魔空黑
豆，糊塗大事有青天。雀傷暗向珠邊結，舍利難飛灰
後燃。相伴荒塗行不久，維摩示病已連年。

咏櫻桃花

滿城花發不知冬，閉戶經年筆牒聳。
剪送海棠勞及我，折寄櫻桃笑殺儂。
雪打霜披應不免，粉腮胭頰爲誰濃。
昨宵况復狂風雨，枕畔驚聞折籜龍。

壽沈叅議南湖

沈翁宅近驛祖道之所而饒孫

范蠡城邊暫駐師，喜逢上壽薦芳卮。
分符今忝元戎託，出宰曾蒙國士知。
門外碧湖開祖帳，堦前玉樹遠孫枝。
海天應有青鸞便，願得年年寄頌詩。

謁孟廟

西域流沙墨翟徒，東河虛噐寄遽廬。
齊梁本不求王

佐鄒魯聊歸闢野狐。百楚棖題驚鳥革。累朝霜露老
誰堪。景春自是真兒女。錯認人間大丈夫。

馬氏白鵲

何來白鵲乳雙雙。馬氏才賢應季常。練氣橫空從樹
抄。銷門織羽對書堂。倍宜刺史停春餞。懶學燈花映
夜娼。宮錦雙鷗君自有。薛濤取繡校書妝。

應李以賞歌姬

邊雲清曲纒明珠。可是佳人獨立餘。延年妹比昭陽
燕。西子人看鏡浦藥。內院新妝應墮馬。湖州水戲定

沈魚近聞。劒氣新雄舞。那得還來助艸書。

送妓入入道

盡出花鈿與四隣。雲霞剪去厭殘春。暫驚風燭難留
世。便是蓮花不染身。貝葉欲翻迷錦字。梵音初學悞
梁塵。從今豔色歸空後。湘浦今無解佩人。

和玉芝上人蘭亭詩

茂林修竹舊相傳。千古殘碑野艸湮。碧水曾聞王謝
語。青山不異永和年。葉飛錫杖峰前路。樵指流觴澗
底泉。回首雲門孤月上。清光遙送鑑湖船。

送張子蓋春北上

離筵驛路正芳梅騎馬聽鶯是此迴舊日孺生關吏
識新年羅袖內家裁澤蘭把贈携春色苑杏留花待
異才卻說涸鱗縣尾在欲從天上借風雷

賦得紫駟馬送子蓋春北上次前韻

紫駟嘶斷驛亭梅紫色翩翩燕共過不用連錢千箇
剪祇借葡萄幾點栽桃杏滿堤衝雪片烟雲一道本
風才要知他日飛騰處試聽蛟潭夜半雷

聞張子蓋

廷捷之作奉內山尊公

自王公佐
狀元及第

至干君
只三人

山陰豈少攀花客，最上高枝更絕倫。南宋到今知幾
度，東風分付只三人。傳書向國驚先輩，有子明廷慰
老臣。想見當年清夢裏，是誰親送石麒麟。

其二

向來廷魁多讓江右至君始與之
相當君第時共先壟鳴吼數夜

曲江能得幾高枝，得意新郎又會稽。三駿連年空冀
北，隻蹄衝曉破江西。淺沙鱗介號懸水，大壑風雷吼
瑞泥。何處彈冠應有客，心知不為舞虹霓。

子蓋太史之歸也，侍慶有餘間，值雪初下，乃邀

我六逸觴於壽芝樓中余醉而抽賦

江城小館共飛梅笑值高樓向夕開百鳥投林天未
○妙○語○
暗萬山戴雪月將來盤堆藕蔗供我飲字縮龍蛇待
律猜明日兩舟乘興至宜與令尹煮茶陪

董堯章謝國塾歸壑其親送之

葡萄綠言酒也
見主人設醴以

待也

異姓侯王有定襄爲君東道卽兒郎不因卜鬣愁崩
雨何用穿貂必冒霜車騎殷勤虛左席榻塵容易厚
高粱明年二月葡萄綠莫負花前設醴香

盛泰父苑西艸堂得聲字

北走胡而南走越盛本吳產以北上愛酌

客而

索損

太僕街前萬馬鳴，野人門巷寂無聲。
徑邀鄴下才賢入，共醉吳兒拍板橫。
一匣黃金傾北走，半墻紅樹出西清。
年來四海浮萍席，幾逐棲烏散鳳城。

送馮永豐之官兼復歸省

但謂家園倒玉卮，寧期燕市掃玻璃。
正當菊醕堪持蟹，無奈魚腸去割雞。
父老爭看懷綬錦，羹湯尚及煮菱蠶。
晨昏豈少高堂念，迫切江舠候吏催。

飲季子守海棠樹下作進壽其六十

時尚未子長沙師嗣

君

信哉廉吏子孫賢，
儻住將軍種藥廬。
試問海棠經幾閱，
不知今夕是何年。
一枝粉靨人俱麗，
百蒂紅絲雨並懸。
醉與花神爲約去，
孫枝還看大如椽。

宿全道登城北高臺值雪

迢迢全道枕重邊，
高閣登臨倍黯然。
百灶營烟明可數，
雙譙蝶粉遠能圓。
偶逢飛雪關山杳，
漸近浮雲帝里連。
莫訝金湯堅若瓮，
昆陽城小古來堅。

鳳皇臺

臺今爲苑國所圍

池館中山稱最繁。題詩紀鳳自開元。翻因一片荒臺，
上直賤千金。沁水園柳色條條，通御氣。梅花梁梁隔
高垣。三山二水無由見，風景都非舊日言。

李長公邀集蓮花峰

五六實事

萬山西去翠濤長。特挿層峰菡萏黃。止與將軍橫一
槩。翻疑迦葉坐中央。頻傳鸚鵡籌長袖。新買韓盧獵
大荒。昨夜邊西聞挿羽。幾回乘醉拂干將。

客有爲留春詠者亦命賦之

春去春來何所之。春花隨爾亦全稀。黃金大藥終難
駐。紅袖嬌遮晚更飛。忍唱驪駒催客去。欲馮啼鳥喚
儂歸。年年此際腸堪斷。何事東君好別離。

盡社咏留春者並函寄復賦二首

社壇高咏集精藍。大塊青陽儼去駮。聞道沉酣劇河
朔。只愁風雨送江南。筵前肯放勾芒轄。嫁後寧燒玳
瑁簪。轉眼城南桑樹下。更題少婦遶饑蠶。

其二 悲感恍惚

西施石上老紅茵。賀監湖頭欸綠蘋。去妾猶能啼故

主風光應亦戀吾人。天涯一燕啣花轉。酒畔雙蛾對
雨顰。併是斷繩千尺井。大家無計挽銀瓶。

金剛子珠串

金剛百子寸絨排。携向叢林戲始開。梵底波濤生海
壁。鬚根琥珀映鰲腮。珠遺象罔收非一。棘取猴么鑽
鎖乃竭乏之意。似言削盡也。盡來最好可師無臂挂。飄然推下講
經臺。

四山樓詩

深巷雙門夾道隈。烟雲斜日倚樓臺。簷扉四面空中

啟山翠千重，窗裏來小座客。臨看易滿，匝簾鳥下處。能回卻言月夜宜清嘯，秋半應知上幾廻。

友人索贈劉府公以剿寇受賞

曹史分符夜正中，傳餐破敵曙初紅。經營聊試材官技，賞賜先歸指示功。鄉里徵兵連歲盡，郡邊臨海一朝通。眼前世事誰長策，此日東南獨倚公。

會稽訓吳先生母九十出冊索題

瑤池寶籙授長生，九十聊占上壽成。就祿官衙隨地往，承歡綵服幾回更。筵中已覺留春住，燭下猶能記

夜行自喜當年曾教子，白頭親得見傳經。

推府韓公生日友人索贈

韓開中人

羽觴薦壽儼瑤臺，况復人從函谷來。兩度關門占紫氣，幾年仙吏住蓬萊。官庭艸樹宜春日，法座星辰接上台。更羨于公陰德在，高門留取傍雲開。

過胡汝宅留賞牡丹

芳樹丰茸何歲栽，對人不語向陽開。頻年此景無多日，好客相過問幾回。寒盡正宜催羯鼓，高枝偏自映金杯。醉餘誰復論朝暮，待爾陽臺行雨來。

送同府潘公入

觀

潘公陪赴科諸生宴時誤期涓罷歸至是送公入觀

早秋猶記赴明經，宴罷相期在此行。又見撫丞隨隊入，真慚束帶下階迎。驚時已是趨朝候，戀別難忘秣馬情。共在陽春無可報，况逢知己許平生。

瑞荆篇爲新昌尚賓呂君乃弟賦

荆樹雙標瑞應期，與君兄弟頗相宜。竇家有子皆丹桂，馬氏何人非白眉。拂帶遊絲縈一本，催花和氣遶連枝。他年會見高千尺，問道兒孫幾葉垂。

十五夜抵建寧通都橋玩月

城西日暮泊行船，起向長橋見月圓。
漸上遠烟浮艸際，忽依高閣墮簷前。
坐當林樹看烏遶，望入銀河與水連。
久欲乘槎問天上，幾回津路渺無邊。

送吳學師奉其母太君還南昌

鄉思偶憶越人吟，就養還嫌非母心。
萬里江船歸白首，孤亭祖帳集青衿。
家連南浦飛雲入，門對西山積雪深。
想見寒宵燈影下，笑牽兒女進溫衾。

和樂堂詩

詣暨楓橋

堂敞群山紫翠中，一門和氣暖融融。
每看霄斗縣從

不別有春風。來自東。萬里雲烟。圍檻桂。百年枝葉老。
橋欄。簾櫳笑。詣時時發。莫問瑤臺第幾重。

題翠華軒卷

楓橋先輩有風流。玉軸文池鎮綺樓。山水大觀凡八
咏。人家喬木幾千秋。黃絲暗縫清。雅。而。不。浮。了。雅。偏游。蠹白雪。吳綾半
織。虬俗眼燈前從古忌。賢孫隨處好藏收。

寄答汪古矜

汪微賢也
有忌鷗園

少陵鷓鴣喚不來。汪家鷗鳥了無猜。非關野老能爭
席。自是菩提無鏡臺。范式雞償明歲約。羊曇泪是幾

年哀會須一哭胡司馬共踏黃山頂上苔。

柳橋不知誰氏園舊有梨樹六株花甚盛余每
當月夜坐觀移時擬買之屋而扁曰香雪園
今歸誰氏梨且斫盡矣

六樹梨花打百毬。昔年曾記柳橋頭。嬌來歷歷西施
粉。冷伴年年燕子樓。不受三郎催羯鼓。好當一夢入
羅浮。今來斫盡誰家園。辜負山人扁額休。

賦得城山篇爲林諸暨公別號

郎官身本是長城。况住城山得勝名。遙憶諸峰當戶

列應如百雉帶雲平松蘿自記經行處大石終懸宴
眺情寄語移文艸堂使他年身退待功成

次韻仲房瑞雪之什與方衡州大夫并呈幕府
占年未慰三農望禱雪真懸萬姓憂稍喜瓊枝擦碧
漢轉看銀海映神州隨車細片疑飛蓋撲馬輕團類
打球壇畔班行應共訝天心原自答君侯

禱雨詩友人索頌邵府公

使君憂旱禱星臺走拜衝炎去復來撲馬忽飛晴畫
雨迎龍先帶碧潭雷憑將素履通三極不是臨祈灑

一回總謂承膏無寸土，分涼猶到讀書齋。

詠水燈

荆川公韻二首

盡於題外取神咏物推能手

第一

夜堂流影倍生妍，刻掛誰乘凜未關。
燭暈只疑杯水抱，火齊應落數珠寒。
薄輪逼媚清難覓，滿魄生花洞必置日方知此語之佳可看。
復道餘光能照膽，卻令遊女怯追歡。

其二

五枝叢裏總稱妍，徑尺能消幾夜關。
對日水晶誰取火，生花銀燭自禁寒。
共燃始覺琉璃避，但掛還將雨

電看無奈陽和消。作淚向人筵上解悲歡。

落花 四首

二月初歸三月來。千紅萬紫不成開。繡偏芳艸時縈帶。灑向粧樓欲貼梅。殘暈祇疑嘶鳥雀。輕陰半是隱條枚。因風吹上高唐觀。爲雨爲雲在楚臺。

其二

少時片片睇初明。多或紛紛數不成。北地佳人元獨立。大堤遊女本空城。乍依天上綠絲駐。定下風中到水凝。開謝莫言機太速。乾坤何物不枯榮。

其三

西園蝴蝶戀芳辰。南陌驕驄蹀綺塵。態比驚鴻還讓
色。粧如墜馬不同新。非關塞外吹羌笛。已覺囊中逝
早春。寄語隄邊遊冶客。明朝還得藉青裯。

其四

楊雄宅裏積初饒。衛尉園中去漸遙。總謂異開還異
賞。其如同謝復同飄。雨從講席天將散。綬向房幃曆
共消。便取明皇催羯鼓。流聲何事激空條。

送葉公子歸同安

同翁門下傳經客、公子堂中講課人、半席不分閤、幾
語幾年同、是弟兄親、遙憐攬轡還家日、翻憶趨庭問
禮辰、何事匆匆易爲別、心知龍劍合延津、

題某名卷後

高賢名筆幾傳留、偶向君家匣裏收、此日人猶甘北
面、當時地亦重南州、經鋤臥柳終身計、軒冕浮萍一
葉流、無限衷情呼不應、瓣香終日對悠悠、

芷齋

讀書往往荷三餘、種芷爲齋扁芷居、供眼色拚輸藥

圃、赫、班、香、定、入、方、書、爐、飄、海、國、旗、檀、避、座、滿、嘉、賓、蘭、蕙、俱、從、此、下、帷、重、翫、易、不、須、更、蒸、小、蟾、蜍、

項羽戲馬臺河濟留侯祠雲龍山張山人天驥

放崔處 僅爾撮合

千古徐州雄楚西多援舊事嘆當時大王千里馬誰得山人一去崔何之產蛙沉竈年年水辟穀餐露歲歲祠曾見蛻蠅遠食不留侯未必降庖犧

呂布宅 有序

布妻諸史及與布相關者諸人之傳並無姓

又安得有貂蟬之名始村瞎子習極俚小說
本三國志與今水滸傳一轍為彈唱詞話耳
又山根一小砥收兒指為布妻搗衣石以妄
遊客○布馬名赤兔為人盜獻于曹然布之
敗非關赤兔有無也○布以斥陳宮策聽妻
言敗操憐宮縊之養宮母嫁宮女亦幾活布
乃奪於劉不忍殊刑假同宮縊觀此則知布
妻終免囚跣裴松之奉宋武命注陳壽三國
志乃沒布妻事兼沒其姓名

將軍納策正移師、少婦牽衣惜別離、若使爲孥倍音陪
言縛之縛虎爭如仗、劔送烏騅貂蟬小字從何典、砧
更急 杵寒衣寄阿誰、弔古老狂無美刺、卿家何壁可題詩、

其二

人皆爲布罪蛾眉、大抵蛾眉見若斯、赤兔不嘶連夜
艸白門猶望百年期、贖歸沙漠中郎女、嫁與邯鄲厮
養兒、兩者祇須半行字、不知何冗奪松之、

九月登戲馬臺

臺始於羽宋武當九月嘗登臨六朝以後多

取爲詩料。余故特再咏焉。宋武劉裕也。孫恩
寇會稽將及山陰。武以長刀奮殺數十人。恩
走海山陰。幸全傷蛇。見本紀。

宋武徑高酣戲馬。侍臣陪宴。話傷蛇。金釵各帕風吹
落。繡帽親宜菊。揮斜。感慨長刀遮敝邑。悽涼短褐弔
官家。欲沽一滴澆行在。拄杖無錢何處賒。

嚴灘懊

并序

幕至嚴灘。客有及子陵先生者。輒嘲之曰。老
漢捏怪。終年著羊裘。老脚寒病耶。呼筆札來。

卷之四
番舊案不兩句而石尤起舟幾碎擬牲往禱
恐遺群吏笑偷取兩句灰之誓于江曰亟歸
當望禱

既向東洋罵蛟母，又從巖瀨謔羊裘。
天教風伯爾休往，膽落溫郎他自收。
細艸免冠羞下馬，大江投札許沉牛。
客星久矣眠天上，誰管驚沙打石尤。

馬策之成失挽一日自作小楷千餘腕幾脫遂
感昔日之勞挽之

幾年燈火共熒熒，此夕孤燈照獨青。
馬氏白眉顰夜

整荆軻一臂失秦庭、翡翠有魚提、換水巖、鱗無夢、

添丁馮誰去、買太湖石、爲勒元常墓志銘、贈小玉魚
一一翡翠

玉

送白君可赴葬劉刑部

白好客人呼爲白孟
嘗餉我鴨酒索祭文

君到劉墳艸未長、解將佩劍挂劉郎、空橐屢歸蘇季
子、遮道爭呼白孟嘗、水掌乍肥鳧正貢、泥頭未破酒
先香、餉餘索我薤上露、和淚隨風灑白楊、

送楊子甘復之京

楊久客歸
必展墓

我賓爾主各匆匆、北去南來等斷蓬、何事得無長太

息此生寧有再相逢、黃塵敢避驟蹄蹴、紅淚初乾馬鬣封、不但別離纔苦惱、時時悲喜戲場中、

張子錫嘗自題鏡容今矣次其韻五首應乃

郎之索

前刻其一

十九寒交一搢紳、

十分中九分寒交一分搢紳而已

武略將軍好舍

人、乃祖正千戶階武略將軍

慣喜迎賓虛左席、

實錄也

生憎學女作

西顰玉皇既受三彭詢、

見兩陽雜俎

金冶難留七尺身、

越絕

書越王以黃金鑄范蠡

即使郎君呼百日、畫中未必下真真、

畫中

美人名真真某謂畫主人曰祝之呼其名百日則下主人交之生一子其後携子躍入畫中畫中亦添一

子

其二

雲作衣裳霞作紳、詩壇畫譜一才人、苦吟驢背忘高

喝、爛醉蛾眉答淺顰、宅吟大槐依舊國、海山宅有古槐借用南柯

事輪邊小劫可由身、鏡容我亦年年畫、比較今來漸

失真、

其三

乘輿問疾禮拖紳、爾却拖紳禮若人、君房本謝薇垣

直、宋張君房為紫薇省諸郎代筆京兆翻工柳葉顰、海山亦嘗略代西清諸直之詞

海山得二齊，姜甚狎。祖述不孤，雙大老。謂不孤，其先世二張也。

奪投

投胎奪舍

難認三

去聲

生身西牕，昨夜梅花夢。仙尉五

平聲

教贊子真

梅福字也。此作夢中戲言耳。

其四

玉花巾子綠池紳，月旦訛評孝友人。

巾子，旁碾玉作揮花瓶，綴其膺。

紳必以練，却以異色練，綠其他故。泣，鴿晚猶垂母淚。俗人爭目以詭異而盡略其孝友。

生鵝初不爲兄，顰詎諧百出嬉。三昧雲水千重了一身。見說閻羅仍待制，許君鸞雀去朝真。

唐伯虎畫崔氏像因題余次韻三首

舊刻一首

于建詞描洛浦神、唐君色染博陵身、巫雲已散當年
夢、吳粉空傳半面春、韞玉求沽遭棄置、採藤多事問
新陳、失二句

其二

盤陀江上水仙神、秦繆樓中弄玉身、邂逅一番明月
夜、蕭條幾度杏花春、嫁後形容難不老、畫中顏色易
成陳、憐儂正是文君輩、不嫁成都渴死人

送張子成之江幕

公子材名本卓然、宦遊翻得豫章椽、青天酒散滕王

閣碧水風吹幕客船佩取司空孤劔在江連秋壁萬
楓懸知君藻思多新賦彭蠡雙魚正好傳

送朱大行

九霄萬里浩無邊黃鶴纔飛隔紫烟子羽豈無修鄭
手賈生原有去梁緣過逢寒士綈袍解告別先公墓
艸芊若到禪齋問燈火夜深如待舊人然

余與朱讀
書禪寺

贈中軍舊識

偶叨書記混名流况遇將軍是舊遊旅次關心供楚
桂軍中留客唱涼州夜寒牙帳城烏集春盡營門海

氣收萬里虎頭方食肉書生抱筆不須投

贈俞叅將公

并序

比年海陸奸宄通市島夷其後漸剽掠居民
壞城郭賊傷大吏以數十於是公本抱負文
武流聲有年承開府之命提孤軍橫艘海中
經涉春夏賊所當無不應手碎者東南萬姓
賴以全活渭以孤遠每思一致緇衣之情而
不有路會公入府城詣提督府中學士大夫
若諸父老子弟知與不知望見將軍麾蓋感

激有涕下者，謂於是倉卒集里閭，同聲稍知歌咏者，六人各著篇以頌。其他散處不在，不量寡昧，倘亦有壺漿之意乎。

孤城一帶海東懸，寇盜經過幾處全。幕府新營開越騎，漢家名將號樓船。春苦戰風雲，暗深夜窮追島嶼。連見說論功，應有待寇恂。真欲借明年。

挽徐高州大夫

山陰公之尊公也

句容出宰四方師，水部分曹八座知。來視長安方幾日，忽摧大老是何時。懷橋因梓生悲易，出塞還家得

信遲絮酒一卮猶未得，隔年慚愧寄哀詞。

少濱篇爲金子

乃翁知惠州府號鑑濱金子時盛刻已集

兩代高名百不磨，山川其奈兩人何。大夫付與扁舟興，公子忘歸半頃波。無數翠烟生碧荇，有時白鳥浴紅荷。眼前詩景刊無盡，莫恠梨材索價多。

送郁丞入

覲

予家軍籍龍里與丞鄉都勻接又丞左顧失迎之

聲華貴竹數清平，更有都勻亦擅名。少府衣冠真漢吏，上都日月正虞庭。從戎尺籍叨鄉里，下馬荒廬夫送迎。此際又從天上去，令人倍憶館松清。

唐薄得獎

醉翁謂其友朱生也

鳳鸞何代獨無之，枳棘卑棲盛羽儀。
挽粟一朝樓櫓去，旌書連夜度支移。
邑多竹色袍俱映，路近松江鱸每思。
黃浦醉翁聞此信，定抽采筆寄新詞。

陳都僉五十

陳嘗藉生員後官雲南海樵山人子也

青衿常向泮宮遊，共識將軍是虎頭。
萬里已曾飛食肉，五旬何事不封侯。
卻因阿大俄驚座，轉憶而翁醉莫愁。
百歲光陰今已半，留貂不解更何求。

送南戶部某考滿詩

送者亦同戶也

楊柳春來未作黃，憐君抱計向明光。省中竝馬騷
無幾，湖內游魚漸覺長。天下征輸空杼軸，年來供給
盡邊疆。定知後夜虛前席，好奏南薰第二章。

郭 部翁姬兩壽

峨眉西去倚天長，引瑞流虹聚一堂。龐氏鹿門同日
隱，竇家桂樹接枝芳。酒卮共把雙鸚鵡，簫侶同騎兩
鳳凰。自古陳家擅西蜀，何如今日郭汾陽。

呂禮部再燈上元

時呂從杭歸值二月望而再舉燈燕

祠郎宴客敞朱扉，帆葉新從客裡歸。百盞華燈縣未

下兩番、元夕賞應稀、雨餘葑葉開、籬剪雪後梅花遠、
座飛共道勝筵、須有紀不妨投礫引珠璣、

方長公重五餉以江魚枇杷豆酒

江魚銀板枇杷金、綠菽家醅一甕深、方叔特分長命
酒、老夫正按小招吟、且寬牛虎甘人責、莫解蛟龍奪
黍心、萬絮千花馮與二、沾泥啣鳥美人簪、

章孟公招陪葛韓二丈特徵酒姬妙解雄舞辱

貺嘉篇率爾次韻

益豕事阮咸也章長公
名啟謨字孟嘉號太元

翩翩公子信陵君、幾上青山悵海氛、朱亥侯嬴俱上

客。葛。洪。韓。衆。總。仙。羣。杯。邀。去。月。當。天。轉。魚。幸。嬌。歌。隔。
水。聞。最。是。携。燈。橋。上。酌。龍。塘。風。皺。一。宵。漬。

其二

投。轄。風。流。近。屬。君。坐。流。鶴。雀。摩。宵。氛。天。河。總。沒。雞。三。
唱。盆。酒。還。澆。豕。一。羣。舞。是。公。孫。新。弟。子。劇。多。優。孟。舊。
傳。聞。安。知。紅。袖。非。優。孟。好。學。三。閭。哭。楚。漬。

再次章君

鄙杜門者八年矣章君餞葛君遠游
至與諸座客并艇枉邀勉爲一出而

章君酒佳甚云七服矣是尊公使君
所珍物汝墳爾雅及郭璞都作汝墳

妙。醜。端。來。老。使。君。鉤。鋒。正。破。楚。軍。氛。強。陪。東。道。遠。行。

客故笑西河久離群，四座高談仍舊雨。兩年重聽省
新聞，魴魚本自無辛苦。多事樵姬唱汝濱。

沈先輩別歸松江十年再至醉而授筆倚馬懸
河，僕自以吳蒙辱贈七律次韻答之。 樹體

阿蒙一去東吳賒，三日天風吹海槎。敢言搖櫂遮關
羽，卻喜舌辨如田巴。若箇聽詩願不解，苦予趨韻鬢
先華。幾淹白坐不投轄，實少青錢付酒家。

陸先輩乃翁曩謬我以函丈，後聞多內闕。先輩
來知其詳可哭也。先輩拈詩弄繪亦自彬彬。

可人於其去用沈韻追賦沈陸之交也袖鐵

鎚防害云是渠實事

時大奴闖墻故有未句

沽酒無錢賒莫賒。况堪提柳問鱸槎。家本吳山詩似
畫。客經浙水字如巴。暗鳴袖鐵爲朱亥。涕淚當筵廢
白華。我亦朝昏聒荆梓。幾回舌爛在田家。

陳伯子守經致巨蠚三十繼以漿鱸

二兒北遊久滯每占

燈花又連

旬淫雨

喜有賢人敬長心。老饕長得飢烹任。陳遵甕減封泥
液。董卓臍高塞塢金。燈火每占花黯黯。人琴俱澁雨

沉沉細鱗紫甲宜觴物、酒乏詩窮更漏深。

十月望後反舌競飛鳴四五日

仲夏聲宜收反舌、仲冬何事競聲聲、
春秋月令卽無准、郊藉時鳴底不平、
大梵呪長翻黑齒、小蠻曲短換朱櫻、
誰能一一與分別、贏得芳齋自在聽。

送錢君緒山

南昌自古盛才賢、亦仗臯比啟妙傳、
肯使異同虛白鹿、但教升散遶青瑣、
文成舊發千年秘、道脉今如一線縣、
况有陽城方寸告、好從暇日問真詮。

壽杜通議之父母

侍臣舊立雲霄上，封誥今承日月旁。
雙管鳳簫娛老伴，一函鸞字捧仙郎。
頻年祿養絲玕得，此日霞觴注瀼漿。
更喜賓遊來結駟，高門誰不羨榮光。

壽戴柳州父母

松溪舊說神仙令，椿壽今符傲吏言。
過客倉皇辭上座，長公金紫擁華軒。
笑看浮世憂千歲，自養靈臺湛一元。
將挹清光陪杖屨，恨無羽翼卽飛翻。

其二

璧水青衫舊有名，恩波白首喜親承。
雙飛老鳳人間瑞，千里神駒天上行。
共擬腰圍行束玉，此時心事偃傳經。
高門咫尺連滄海，遙對仙人白玉京。

壽張翁

翁年八十儼寒筠，聳骨方頤鬢艾紛。
舊種槐枝高入漢，今傾桂醕瀉從雲。
見郎遶膝微搖錦，賓從過門半是文。
眼見吾儕是童丱，轉驚五十四年人。

送徐山陰公

捧檄將行夏正中，壺漿西出路重重。
三千里外知

明主二百年來有此公。鳧去何亭不啻鳥。雀飛若箇
爲開籠。真於滿邑南薰裡。別感翻翎一段風。

送葉君子肅訪楊龍泉公

山連閩越最奇觀。君去龍泉公歿日看。夜月暫稀禪寺
會。秋嵐應滴客衣寒。過辭徐禪言相贈。又別楊雄見
定歡。却說書齋歲云暮。幸相除拂待歸鞍。

干溪許

某

是蠶子山行過二仙女折松花合其

送往香爐峰上見二人。某他日又見二女合
其送往秦望山上與二桃一符一詩日子父

母肯合于來則啖以桃而來否者且燒符後
許亦不與父母桃陰置香厨上父母亦不與
來而許輒燒符後視桃不見余登秦望山山
人對余說乃是前年事

求仙尚自隔蓬萊。仙子一雙何事來。解珮人聞托流
水。吹簫去路向瑤臺。望中海島茫茫斷。別後松花歲
歲開。世事如斯渾不解。青山落日坐莓苔。

洛神圖

旌幢片片引長虹。蓋下真珠絡幾重。洛浦神仙何所

似陳王詞賦。宛然同輕。嬌欲墮。波先捧。刺繡。繞飛木。自籠雲鬢。雙迴環。珮解可憐。交甫暫相逢。

燈夕送張君之滇迂其尊人

今歲風光倍覺饒。無人不去踏虹橋。獨辭午夜千門月。去迂高堂倍里遙。飛蓋梅花梁苑雪。歸帆楊柳楚妃腰。此行不爲營名利。要度衡陽雁影高。

送應公子之金陵

公子行遊寶劍輝。寧親綵袖靄庭闈。西園別飲芙蓉夜。東道誰開燕子磯。萬里江光飛海岱。六朝艸色上

人衣 高皇舊事馮誰問賦得西京雁帶歸

應索柳溪雙壽詩爲張封君

鷓鴣綵翼翮青雲簫裏偏娛老鳳羣柳碧一溪開別業橘黃千樹稱封君遠庭羔雁光流霞映酒翁姑色併瞧看取仙郎無限事鸞封還換幾回文

答次吳靈壁

時虜報頗急而吳約以騎相近飲邸中

爲郎靈壁苦紛紜預擬精裁一片雲遣騎總無虛左轂甚恭卻似信陵君遼陽虜騎頻飛羽細柳鑿與自勞軍縱使馮唐頭白盡大都不分日摛文

寄散亭

幽亭初落禁城新，御墨旋飛寵近臣。
金馬從來宜大隱，銀璫何處乏高人。
卽馮闌檻晞春髮，未許溪山乞此身。
不信試看鷗鷺侶，翻飛長在鳳池濱。

送鳴教

總戎柱史皆其東道主

高鳥時時集上柯，高人日日結鳴珂。
總戎事業簪貂近，柱下風稜避馬多。
憶昨爲予悲四大，祗今誰不讓雙蛾。
因君一寄倉庚炙，欲啗丁儀奈晚何。

某某兩君舊主人招之相繼北去

無奈長安道路爲兩年兩度去相知留連舊醴東家

在悵望佳期北斗移邵伯倉蚊連夜鳴河間紅樹早

秋梨當年我亦經行此渴後如拳馬上提古仙詩北

柄移有似佳
期常不定

朱伯子以恩貢首選北上

送之

乃翁嘗知彭澤仲蚤入史

館

莊雅

寶昨風雲應六龍丹霄烟霧矯雙鴻君王虎觀纔陪

輦女弟蛾眉早入宮梨栗可嘲彭澤子賢良交辟大

馮公黃門慎莫催廷對正在從容論及儂

玉簪盛花嘲之

燕中玉簪若千盆若千錢而楚頗賤之

去年百葉僅遮根，今歲千花爛壓門。
帶珮銀鈴搖綠帔，琵琶玉肘滿烏孫。
時從鬢底嬌臨鏡，曾記燕中買論盆。
秋後芙蓉憔悴盡，啼烟泣露領江村。

送趙某丞瓊山，偕乃弟贛州興國典史竝往之。

任海公名瑞者，正其治也。

趙上虞人，孟嘗還珠亦上虞人。

三千里外梅花嶺，十八灘邊雁序心。
一葉烟中親渡海，雙鳧堂上伴彈琴。
官廉合浦珠仍返，鵬在南溟縣正臨。
匹馬儘堪長問政，雙松應蹙輟高吟。

倪君某以小象托賦而先以詩次韻四首

第二首倪

詩以略誤推我設色畫多用醜黃作底倪頗清瘦又嘗客吳携一吳童歸阿童王

濬小名歌見古樂府九方臯爲伯樂給薪

第三首倪詩以黃祖諷我倪有孝友名我

故獎以黃童黃香小名也又以慕容諶我

故有末句前首終童亦終軍小名也亦喜

禪象頂裏幅巾似冬僧第四首倪多文亦

稍傲睨象邊一童子煮茗倪別有七言絕

諷我云猶喜曾無江夏權謂我幸無

權耳不然卽一黃祖也悞矣悞矣

卽看負劒游吳客終是拋繻入漢童阿堵虎頭雖易
擅浮丘萑相本難工敢於玄白嘲楊子尚恨丹青敗
乃公筭更難描誰面目矮人咄詫戲場中

其二

評慙王濬推王猛，影伴吳童唱阿童。
飯顆山頭吟總瘦，雌黃舌底吮難工。
誰能相馬如薪者，若箇描龍不葉公。
忽憶人心如面語，須君着屐九迴中。

其三

只知江夏多黃祖，那知江夏有黃童。
宿蚊水易輕紈散，老蠹猶鑽故紙工。
游戲巾裙畱髮佛，扣叅聲啞大家公。
慚非十九人中客，付與毛錐玷畫中。

其四

徐文長逸稿八卷四

三七

注經筆遶三墳簡、炊茗烟籠五尺童、秋水瞳人雙眼、
白春風剪子百花工、無權江夏令誰箇、有用雲林舊、
是公欲扣北方應、不對子綦正在喀然中、

壽吳深水

湖州人

西來天目碧嶙峋、中有苕溪產異人、昔日臨文俱入、
妙、今來作吏更稱循、栽花潘岳垂青簡、飛鳥王喬覲、
紫宸、自是生來多道氣、非關嬰姪出黃庭、

送張會稽公入

覲石洲公

霜白天寒艸欲枯、旌旗高捲出名都、不將竹箭爲方

物但學循良似漢儒。宮闕近聞修五時。君王自
合訪雙鳧。卽如明府生民命。莫對神仙有與無。

春日蕩漿鏡水

效體

短槳長橈出鏡湄。弱羅和日本相宜。廣原積綠催芳
急。幽谷新鶯吐韻遲。襍燕攪絲飄易斷。柔波排荇蕩
難移。麗候佳辰應靡待。飛觴緩遞棹停追。

緋桃篇

桃花映戶復臨池。聞道穠芳滿上枝。誤落自依裙帶。
繡乍開猶學口痕。脂添粧影入玄雲鬢。折寄香隨錦

字詩借問世間誰得似，鄭家紅袖倚門時。

奉送林山陰公赴戶部

聖主凭軒策士林，使君縮綬拜山陰。事當流水纔援筆，縣傍高山好弄琴。天闕徵書隨鳥急，地曹分署映花深。東南財力公俱悉，會計應勞夜夜心。

幕府游武九曲令擬詩

時兩道者縣居
削壁下迎幕府

翠蓋高牙停曲徑，仙宮廣樂導清游。風傳短吹音還遠，山夾廻溪影自流。關尹預占函谷氣，桃花故引武陵舟。歸來別有笙歌擁，看月重登庾亮樓。

王將軍再邀觀獵予方歸越不赴

卓騎環林欵客扉，東裝初罷曙鐘微。
西陵自喜揚旆渡，東郭遙憐控馬歸。
荒艸迴堤天共遠，鳴鑣撲地鳥俱飛。
懸知行樂無過此，何事朝朝與願違。

鞋盃嘉則令作

南海玻璃直幾錢，羅鞋將捧不勝憐。
凌波痕淺塵猶在，踏艸香殘酒併傳。
神女罷行巫峽雨，西施自脫若耶蓮。
應知雙鳳畱裙底，恨不雙雙入錦筵。

送績溪胡氏兩公子

翩翩公子鳳毛長，幕裏辭親彩服揚。共羨連枝承雨露，那堪分手在河梁。天邊並馬看飛雁，篋底分衣認佩香。自古世臣元濟美，看君此去有輝光。

送同知王白竹公

幾年佐郡已資深，金馬懸知有陸沈。捧檄重來渾了事，拂衣歸去本初心。綺琴暗憶瀟湘雨，粉署真尋暮夜金。桃李戀春留不得，祇培棠樹長清陰。

王母壽詩

王之臣乃母臣
自編世集索詩

鄉里爭傳太母賢，世家親是長公編。半生辛苦流奇

筆百歲榮華表暮年白髮當尊搖鳳翟綵衣遶座拂
雲烟此時定有添籌祝不放金陵酒似泉

寒食後駱君携酌次其所示別作韻答之

破鎔長拾鵲巢柴忽枉行厨向此開笑引醇醪對公
瑾悲生寒食哭之推竹書劫傍渾應燼花雨天愁亦
懶裁海水海風鵬翼盡均堂偷此一浮杯

駱復用韻和答再次之

鶴猓一束嶺南柴五葉傳花自此開顧我久無傾蓋
語多君剩有法輪推隣園笋色班如淚客甕梨春醉

未裁盡道高陽擔麴葉誰憐有託付深杯

賦得雲渠篇贈親交馮君

年來懶向紅塵地喜與馮君結社遊數片寒雲迷野
展幾條秋水掛高樓分爲池沼搖明月獲卻魚苗打
白鷗聞道十洲元不遠要通一派接扁舟

劉伶鍾

片鍾縣車鍛者誰定知叔夜爲儂鍾柳邊幾受寒泉
淬音翠花底長陪醉客嬉四大還家何用爾一時奪彼
弄喚伊古來兢詫萇弘血化碧當年若箇知

仲春有客登西興鎮海樓觀湖寄詩答此

爾眺西陵展妙裁，我依南郭嗒如灰。
徐娘洳老多情去，枚叔觀濤七發來。
片鍾任埋償酒業，雙魚長踞正花開。
比萊庄上是其庄名門如水，碧草茸茸抱鹿孩。

吳子明際訪蛟門訪沈嘉則諸名公

吳郎少小解聲詩，月露風雲薄不爲。
孔雀東南

古樂府詩

題將許偶關睢窈窕是其師，忽思海畔推諸沈。
欲拘

榴花寄一枝

時五月三日

不若買舟親訪卻，深談正是日

長時

十四日飲張子蓋太史宅畱別

久繫初出明日游天目諸山

斗酒那能話不延。此行無事不堪憐。弓藏夜夜思彎日。劍出時時憶插年。老淚高梧雙欲墮。孤心缺月兩難圓。明朝總使清光滿。其奈扁舟隔海天。

五十生辰吳景長携諸子弟餉予園中

回頭四十九年差。兀兀將身伴肺嘉。

石名太古。數以石爲獄齒。

真慚虛犬馬。枝幹猶記渾龍蛇。縱令百歲能餘幾。况復孤舟未有涯。多謝諸君畱醉久。棘牆新月上梅花。

雪中市樓災

時有新聞

千門六出枉滕翁。一燼飛羣了祝融。正訝瓊臺穿電急。瓊赤玉相沿誤用耳。忽驚海竈煮鹽空。餘花落座涼焦額。泮溜隨人泣斷風。插漢水心知幾座。昨宵新爍兩高峰。

送周縣公量判南康府

職捕盜

鳴琴臥治正相安。忽作監侯水國彈。司馬江州行擊楫。少年湖上正探丸。青牛谷秘遺經在。白鹿山空講席寒。餘力不難興絕學。預爲吾道一彈冠。

雞聲

開雞起舞左傳賓孟見雄自拔其尾問之侍者雞自憐爲儀也李白詩有何日金雞

放赦回蓋以雞竿

卿赦書唐制也

夜郎詞客絕羈栖。江左微輪餌牧羝。無事着鞭誰起舞。不煩喻詔正堪啼。雄吭莫殉青天曉。利嘴留防綉瓦齊。自古擅名危不細。每因呷啜首爲低。

其二

自許圓吭全令惠。未輸丹頂擅鳴臯。香消幾喚山牕午。漏斷頻呼海月高。杜曲儘教催鬢老。秦關曾放竊狐逃。翰音也是登天物。肯向梧桐羨鳳毛。

蛙聲

埽井之蛙盛談其井中之樂以矜東海之鱉出莊子公冶長被繆再得鳥言而始雪

晉書佛圖澄聞塔鈴日言國有大喪人而石勒果死此詩謂鳥能言則蛙鳴必是言矣且

鈴無情與蟲鳥異尚能言今雖有言可忽之
而若聾若瞶耶但無佛圖澄之聰聽耳戲咏
也

綠蒲池畔渾蠻語明月樓中攪客眠東海劇譚當此
夜華林一問幾經年鳥言雪後人應老鈴杵風吹話
自懸况是含靈苦饒舌不應聾瞶付茫然

其二

微蟲亦藉語言通細雨黃梅處處同近水人家喧鼓
吹隔牕燈火課兒童爲儂作計無如啞縱我能聽亦
似聾寸艸尺蛇須仔細莫教花落怨東風

蠅聲

後秦符堅將赦自艸詔甚秘忽大蠅集
端已而化爲人呼長安街市洩其事

能亂黑白敗壁然畏蟬又能亂雞聲只未

又小雅曰營營青蠅止於棘讒人罔極交亂
四國蓋以比人之讒也夜朝之朝音潮華指
齊侯事四靈謂麟鳳龜龍蘄州產綠龜俗云

能辟

蠅

報赦先來呼外市含煤欲去敗連城竟窺趙壁摩廷
入公向秦王遠筆鳴午曲故繁欺蟬睡夜潮真誤與
雞興何人已墮營營穿枉擬蘄州買四靈

其二

時呼綠袷過關內更挾朱脣乞醉鄉遶座呼嚙羣止

棘乘風宛轉共吹簧。翻嘶晏塵香。徒辟一亂辰。雞夜
正長。愁殺滿城簪艾客。兢將雙耳抹雄黃。

蚊聲

南薰吹漲綠胎蟲。插喙如芒響不窮。飽噉已馮喧夏
月。哀吟翻苦怨秋風。一城市客朝難外。百甕醯雞晚
瀝中。施與皮囊枯亦得。只愁無計作家公。

其二

秋。層。應。候。自。應。花。夏。帳。誰。能。障。爾。譁。萬。馬。迎。風。飛。箭。
鏃。泥。潮。隨。雨。上。江。沙。籠。巾。較。可。蒙。頭。睡。傷。耳。難。教。借。

鬢遮聞道靈符能絕響欲從勾漏覓丹砂

送某公遷南戶部

馬上尚書白面郎居官新喜舊周邦齊梁花月談雙
燕淮海風烟隔一江積水游魚中庫板白粮紅粟里
人艘西臺御史生祠在專待君侯與作雙

雪中紅梅次史叔考韻

雪中最妙是紅梅慘慘團團併作堆幾點粉腮嬌入
座數枝濃淡巧塗腮繁華種裏仍如雪蜂蝶叢中任
去來醉後移燈玉闌畔嫦娥扶影上瑤臺

史叔考荷河汀號篇

若耶溪水積長汀、中有荷花出藻萍、葉底嬌歌蓮女
亂晚來、睂黛遠、山橫紅衣倒、護雙栖、鳥綠澱時波、一
片冰、結社此中應絕勝、欲從何處覓蘭亭、

潘子以落花紅滿地爲題合賦

自古有新終有故、從來無故亦無新、風雨不禁三夜
擺、乾坤別換一番春、醒憐滅燭逃紅粉、醉臥沿堤爛
錦裯、若使黃金能鑄帶、至今桃李屬安仁、

張封君輓詩

杭人也種茶竹五畝於一片雲所一片雲南山奇石也

五畝茶園萬竹紛，艸堂何歲去徵君。
紫苔漫蝕千金劍，蒼蘚愁枯一片雲。
級予郎官從日下，人稱長者
江聞細詢湖上藏舟處，倘竝孤山處士墳。

某平湖詩應索

湖州人號築野姓傳
時知平湖縣

有客携我青絲壺，半側儒冠說宦途。
泗上風雲猶聖祖，江南桑柘數平湖。
歌謳一國誰能借，美刺隣疆亦豈徒。
兩點傳星明出宰，君王連夜夢雙鳧。

予奇梅領之松客有誇予以滇者

客行猶記五更鐘，萬樹梅關東復東。
忽作波濤初雨

後蔚如烟霧遠看中。近聞萬里歸人說。更訝千盤薄
漢雄物產絕奇安有極。高昌虎珀照天紅。

紅葉

朱顏晚作鏡中姿。紅葉秋嬌野外枝。愁緒幾宵催鬢
髮。林霜一夜老胭脂。寒村半映烏栖處。破屋偏堆柿
爛時。蓬底一梢尤妙絕。漁舟絕勝蓼花緋。

酌張氏山亭時病瘧歸後復自酌至醉東此

隔林携榼近庭闈。舊業新祥兆不違。竹下彤雲芝一
本。松間綵線雉雙飛。媚筵小洞迎苔出。挂嶂涼絺帶

翠歸醉後可容逃瘴鬼。夜淡重調酒兵圍。

風木篇應索

鳳陽人舊爲南戶部郎曾定松糧
叛卒拉參閩

建業風烟宦邸身。曾收叛卒蕩京塵。鎬豐宅水龍飛
地。劍佩趨庭鳳起人。早歲弄雛歡不少。夜風搖木涕
何頻。近聞佐伯留閩海。蜩蛤菰蒲併是春。

送某君之京

春宵燈後雪初晴。抱劍封書事遠行。廿載酒尊皆北
海。一朝才子獨西京。棘牆付與啼邊淚。柳岸應愁別
後鶯。若願寒驢尋好景。有人說我舊游程。

季子賓五十

謂賀生子第二事。○有一副室。

纔見青衿紺領圓。五旬頭白一何便。通家忽已經三世。問齒真慚大九年。誰見貫蘭秋不子。從來稱驥老能先。兩般賭勝看高手。急做茅齋備客筵。

長至呼大兒飲

馮將坐息準歸陽。道吸禪呼鼻。齋長雙壁再迴圓。篋赤片葭初破卵。泥黃糟醕難自睡。長日豚犢能忘祗大楊。百命今朝生意始。一門灰槁斷人腸。

送某君暨其伯氏還松江

燕市相逢已莫春，弟兄傾蓋往來頻。
海天一日歸，雁柳色長亭。幾人等是苦辛。
尤日莫漸逢蓮藕始，鄉津不知黃浦秋來，月醉後同誰，網細鱗。

送子肅赴三圍營

時子肅病喘，人謂其行也不宜，煤坑故賦此，慰之，威總其

舊主

也

萬里從戎赴朔屯，新秋騎服雜涼溫。
南人煤火滿京國，東道高牙壁薊門。
貂賤不妨吹季子，劍長久已識王孫。
客中如此良堪住，枉說風沙晝夜昏。

壽王龍石二府

使君稱壽紫虹纏輿頌臺歌美盛賢銅章曾佩二千

石玄髮新晞六八年

此公正四十八歲

高峇白雲留省署歲

星金馬舊盤旋茲辰正值稱觴候剝得蟠桃出帝

筵

其二

海國紛紛豔菊枝和風偏薦小陽時慙爲桃李蒙春
色喜借松筠什慶詞輦下文章黃甲第江南財賦白
雲司莫言佐郡淹明府玉珮行看集鳳池

代某往壽

椿葉萱條本並芳，授經和膽亦同行。如何此夜瞻
極獨伴長春映，北堂舞綵翻嫌非。其慶霞章行看出
明光，抽毫作頌期他日，百歲流霞滿玉觴。

送府學某師推處州

時方攝餘姚而衙多如侍
處州盛以露醖四方多求

販名金盤露
郡衙對萬山

扶風帳底舊吳娃，把燭今番照削瓜。秋露滿城醅酒
邵春雲數片對山衙，禹嶠舜川題正急。嶺猿灘雪去
何餘，莫言桃李俱回首，爛艸孤心一夜芽。

樂閒園詩

神虎卽神武也六朝以來以虎當
武或因國諱耶其人司幕布政

卜築名園別有村，
祇憑魚鳥送芳尊。
一冠神虎懸薇幕，
五樹鳴蟬種柳門。
世上督郵應不少，
里中親戚豈無存。
歸來一話何妨却，
拋擲晨光直到昏。

馮伯子新居是三月望

居在飛來山下鄰學官浮屠始居紫金街

新居明月滿天街，
夜踏春陰若箇陪。
一自紫金辭舊伴，
羸將蒼翠遶飛來。
紅芹笑指宮牆傍，
白塔閒看鶴窟迴。
未必三遷專爲此，
却因得此恣新裁。

魏文靖公卮貯以梓匣輒賦

魏公名驥蕭山人史部尚書謚文靖

余觴特海螺而已故有紅螺白醴之句一杯得之水澄劉氏之先世以石米買而制如一

小荷葉

梓木有紋曰

鴛鴦錦

瓊臺鑿蓋妙京畿。若箇豪家不打歸。舊買紅螺俱粵
率新收白額總遼。豨不辭梓檢鴛鴦錦。那取蘭陵琥
珀飛。莫問鰥生辦不得。卽令辦得惹翁嗤。

俞母節詩

無錫俞翁與母訣書水心雪操四字
母遵之教其子成進士時同知紹興

俞大夫汝成工詩故永其母者儻有雅搆

藁砧一別淚闌干。冰雪遺書墨未乾。每執寒燈看不
盡。獨居羅帳歲將殘。紅粧久歇孤鸞鏡。白髮仍簪五
鳳冠。地下相逢應有問。丈夫猶自立孤難。

俠者

縣門一見不通名、人肆開尊俠氣生、却說吳中姓梅者、曾過燕市、吊荆卿、路逢知己身先許、事遇難平、劍欲鳴、自古英雄成濟處、也應君等爲橫行、

與季長沙老師及諸同輩侍宴太平葉刑部先

生於禹廟

時老師值生日葉自太平遠來亦避賀生也葉與老師昔同官南部

長沙太守西曹吏、從在南都數往還、舊日爲郎俱白首、今朝稱壽對青山、萬松夾道將成石、一水當階恰抱環、陵寢年年謁春旦、偶因嘉客得重攀、

吳學師爲白賁將軍索賦

勅書樓

樓在南昌以孝行

癸書

高樓內苑隔塵凡，細雨斜通南浦帆。祇爲承恩自

霄漢，不關招隱向叢巖。瑞雲偏捧啼烏樹，繡拱端居

賜璽函。聖孝由來感麟趾，風人因得撰周南。

順昌諸友約陪遊武夷後俱不赴道中追憶

勝遊曾許得相親，獨往仍憐舊約頻。飲馬溪邊花照水，更衣樹下雨隨人。青山盡繞官程曲，紫氣長留蛻骨神。自識仙踪杳難覓，歸來笑說武陵春。

過許君精舍

岱輿

高門偏自倚城隅，車騎迎賓席每虛。
西去垂楊臨大道，東來流水遶清渠。
牕疏積暝晨搖筆，花樹栖鶯夜
映書。更喜數爲文字飲，新秋還得慰僑居。

季子守宅觀音蓮

昔聞火裏蓮能長，今見蓮從陸地栽。
廣葉祇馮圓性轉，龕花全借法身開。
叢搖寶鬘風中去，氣遶梅檀雨
後來。試問集觀誰具眼，解將真見聽飛埃。

送允大周君北上

時燕別於西湖

新開彩鷁正相催，別燕偏臨湖水開。
燕市酒徒還未散，漢京才子訝重來。
繁花拂棹含輕霧，小伎鳴箏掩薄雷。
却說追遊能幾日，連鑣重遶大堤廻。

壽胡令公

時督撫浙直江福

幸從羣彥集芳辰，申甫生周別有神。
以德旣堪三壽頌，將身却奉萬年人。
劍光激座催歌急，海色流杯送酒頻。
更取一卮飛作雨，江南無地不陽春。

奉送布政使胡公督撫江西

號栢泉視陝學疏北虜策行世

南國甘棠付召公，新銜兼掌一方戎。
手握兵符分閩

外身披儒服坐軍中、樓船自映行邊水、甲馬偏嘶戰
後風、寄語採丸誰氏子、請纓會上漢廷封、

行經玉山吊孫烈嬪

孫士人家也無子蓄一妾
身遇賊袁三嬪欲全妾身

佯代之隨賊度妾去已遠始罵賊
賊剗其五內歎錢緒山公命作

桃花含子怯風殘、少嬪捐生爲所歡、趙氏存孤較猶
易、木蘭替父不爲難、鏡中玉靨迎刀碎、頭上金鈿照
膽寒、此際白虹應貫日、非關易水別燕丹、

齊雲巖

嘉靖間勅新之

漢京何用祀神君、福地仙居處處聞、懸水千絲非雨

散層山百葉是蓮勻。鋪明上與毫光合。瓦碧平將樹
色分。莫道無如明主切。萬年應馭鼎湖雲。

嚴江茅大夫見贈賦答爲別

鹿門

漢將移軍細柳營。每從高會聽鳴箏。惟應落帽當筵
醉。那取從軍載筆行。彩鷁停風維曉岸。斷鴻隨雨入
秋冥。江堤芳艸霜中盡。明日將誰寄別情。

答嘉則

才子能文幕府收。將携鐵劍副行舟。碧幢近映江光
暮。彤管遙分樹色秋。萬里烟波雙伴影。幾羣鳧雁二

滄洲回看天際冥冥處，搔首西風動客愁。

崇厓

崇厓薄瘴接遙天，兵馬宵征踏月圓。
漸度重關增曙影，半留行竈滅炊烟。
萬山束路通千里，二水分流各一邊。
蜀道傳來還覺險，高歌一曲使人憐。

北上別丁肖甫於虎丘

少年同學共青瑣，一劍孤飛何處天。
別後相思應與共，向來心事尚難傳。
樹連古道冬催雪，水泛寒燈夜泊船。
自是陽關歌不得，祇馮尊酒醉君前。

徐州道中寄諸陶兩翰君

南明念齋

敝裘短策去翩翩。昨奉離觴似隔年。目送浮雲悲遠道，心隨飛鳥向遙天。河流遶岸紛成渡，馬驟將塵踏作烟。客裏自甘如此景，不堪持贈玉堂仙。

贈錢君

錢龍泓時客京師以翰藝自給有封侯出鎮者百金要之不赴

將携彤管遠行游，燕市羈栖歲月流。白壁不逢知己獻，黃金曾却貴人投。歸看破匣幾緡在，出鎖閒房一榻留。好與南州徐孺子，時時同醉酒家樓。

香山寺僧方荷能詩出其師護松號冊索次

壇畔蒼松綴紫苔，遠公會記昔年栽。不教秀色流華屋，只放疎陰覆講臺。愁爲石化將鱗去，喜作濤鳴雜楚來。却憶吳山五千樹，寸秧盡是老龍材。

中峰和尚種松五千

本於吳山今皆連抱矣

送葉子肅再赴闕幕

我昔曾操記室文，君今又作幕中賓。共憐蹤跡隨萍梗，誰道詞章動縉紳。楊柳自抽離客思，櫻桃初學美人唇。此時欲別難爲別，况復啼鶯弄曲新。

送季子徵北上

乃翁彭山老師服方闕求志閣

吾師有子舊承顏、千里徵銘館閣間、去結數金酬綵、
筆歸鐫片石、藏青山、野棠立馬人辭、墓津柳迎舟客、
渡關滿眼臨岐、雙涕淚、不因爲別故潸潸、

乙丑看迎春

詩病初起

青帝鑿旂繞大提、東郊仗引協羣黎、枝輕已作開花、
意履重偏多奪、綵泥一道風光、隨曉騎、兩行簫鼓雜、
春啼、微疢豈只都除、後兼得陽和滿袖携、

病起過仲虛山人遷宅

山人第宅幾經遷、景物無如此地妍、西去河流通郭、

外南來山色落簷前。賓游併作桃源覓。魚鳥真成鏡裏懸。病懶數過翻覺易。小舟隨釣繫離邊。

送彬仲應貢北上

經閣詞林早擅名。莫將難遇嘆平生。已通薦藉非無路。不負相知在此行。萬里桃花添馬色。一行征雁渺離情。定知後夜相思處。獨坐山居對月明。

壽王光祿

芳園本自樂嘉賓。况值生朝集慶辰。皓齒定知翻壽吹。家僮善音長髯應許竝仙人。君美飛觴候月心。耽夕抱

不才士
卷四
三三
甕澆花手占春最喜陽和如有意流霞初動管中塵

園中懷宗師馮公寄呈
少洲公時陝右使

長從日下望長安花鳥驚春幾歲關分陝秦藩雙岳
重傳經吳館萬松寒叨陪國士蒙知易誤飯王孫覺
報難却說更張慚妙手翻令一曲繫南冠

鳴教五十

海東幕客總翩翩且日筵開海嶠連百歲易過今已
半一生難遇各成憐飛花自滿談經宅帶艸時縈辟
蠹烟更欲與君論箇事不應身世老蟲箋

節慈篇爲吳通府公祖母夫人賦

夫人新寡時通府之父方

提抱後亦爲州判官葉子肅至自休寧爲索之而作

青年粧粉久輝勻，婦節親慈世所聞。身作孤鸞惟照影，眼看雙鳳遞凌雲。嬰情繡襦山俱重，結念并刀水不分。病起已拋人世事，轉因題咏淚紛紛。

景文三十生辰次韻

子家後代應高門，青鬢流光遶幘痕。剝曲相思老朋友，習池遊戲好兒孫。芳年易去將誰怨，末路難酬是子恩。稍喜籠中鳴雁侶，聯翩作字叫天聞。

王先生示其夫人哀詞賦此奉慰

白頭青鬢久相知，不覺音空手下絲。
機斷舊成羊子學，飯餘今憶孟光眉。
西天花雨重生路，南國樛陰逮下枝。
却說碧霞池上鳳，幾回着意伴英雌。

讀張君叔學所作姊氏狀卽王先生配也用前

韻寄之

屈原姊嬃每自潭水歸慰原叔學宅白魚潭每舉輒落迹稍似之

女嬃遺事弟親知，書罷雙懸淚若絲。
潭水每歸憐放逐，粥爐無復燎鬚眉。
班門有女成三士，竇樹如君占一枝。
好志不應無外史，豈將文字鬪雄雌。

送金先生宰武康

昨歲承顏畫地中，看君道氣暖融融。
顰辭飾鷺升堂鼓，去泛仙鳧送舄風。
芳佩陸離紛水艸，短蓬朱碧寫江楓。
極知望氣須雷煥，不到豐城意轉慵。

送御史大夫趙君節鎮川貴

說得冕玉

霓旌萬里擁樓船，共說牂牁漢郡年。
秋浦送人歌白苧，夜郎吹笛待青蓮。
兩藩重鎮盤江合，五姓蕃君後殿延。
北極從來俯南陸，好將柔遠答皇天。

夜宿龍南山居聞梵

寒林禪室數燈懸，清楚纔聞客未眠。
去遠依然歸夜靜，來遲猶自戀香烟。
性靈微觸經衣上，僧散餘鳴遶壁間。
聽滿十方何所礙，修行誰證耳根圓。

送王君入監讀書

新建應夔

繡裳赤舄事征東，麟閣曾經論武功。
聖主何心收甲綬，遺孤今日大山中。
過辭家廟貂蟬在，獨上關河雨雪融。
寄語伯禽多自愛，成王原不忘周公。

殷孝子詩

盜將刃其父，奔代之數言而解。

心上經綸元皎皎，眼前圖牒總班班。
若令歿父於人

手何用生身在世間，一念未萌看惻隱。片言排難見機關，因之忽憶移忠事。不信諸君不汗顏。

送李縣赴調

養虛公

好將寵辱付浮漚，公道於今何處求。誰謂一春淹別駕，又飛雙舄向神州。秋歸遠水行應杳，夜發輕舟挽不留。楚璞由來天下寶，不妨明主再三投。

送新昌某學師諭告致還南康

絳帳中橫半席青，鄰庠猶自識先生。傳經鄉國聞朱陸，竝馬吾師是弟兄。漢室尚須垂白召，明時何事拂

衣行試教別後從西望，還有春風到小亭。

次日復酌於鄰舍登飛來山訪浮峰上人

瑤榭瓊臺望轉深，紅雲穿日散輕陰。天留霽雪教人賞，地放寒梅要客尋。閱歲已知頻改易，逢時何處不登臨。悟來自笑渾多事，何用題詩在碧岑。

贈李遼東

十載棠陰滿郡中，更慚桃李倍春工。江南高枕新司馬，遼左長城舊總戎。笳吹閒飛蘆渚月，樓船時泛錦帆風。太平坐致今如此，猶費深籌畫燭紅。

登滕王閣

南浦雄州開水上，高臺積翠遶天涯。匡廬地遠連秋樹，荆楚山長入晚霞。新閣不巢唐幕燕，莫林多下漢江鴉。歸船便取章門路，西去郊原日易斜。

人日立春

年來日日風清日，今日風清更可人。遙獻美湯憐送節，更聞金勝簇新春。烟添柳色看猶淺，鳥踏梅花落自頻。東閣早時聞一曲，却令和客不勝新。

每過充輒擬謁闕里轍阻追賦三首

前刺其一

明珠不解捨衣邊，日禱驪龍枉自虔。借問儒家懷闕里，何如佛子慕西天。片香幾買經過日，萬木終懸會葬年。只尺翻來一不至，是誰騎馬倩誰鞭。

其二

如一豎牧千羊，博取三墳覽百王。誰越殷周徵夏禮，獨餘江漢寫秋陽。孫枝歲久龍鱗暗，翁仲霜濃馬鬣長。不用今朝愁不至，年年此路自堂堂。

聞有賦壤翅崔者，予嘗傷事廢養羸眩致跌有臂骨脫突肩曰：昨冬涉夏復病脚軟必杖而

後行茲也感仙癯之易賊羨令威而不皆橫

榻哀吟輒得十一首

前刺其五

兼兼借比未能雙。盡日鴛鴦戢在梁。丘伯易占何相
薄。盧生難軟片鱗僵。年來羅網渾巫蠱。爾輩瘡痍尚
稻梁。騷簡半爲魚所盡。泱泱痕多是吊鸞凰。

其二

令威絮斃不勝茄。遼海羈雌別怨賒。半取水純歆篋
扇。雙遮鐵柱插江沙。悠悠一念終銘石。掃掃孤簷且
落花。安得徵君三百字。暮潮秋雨洗龍蛇。

陸子寄餅

餅餌枝枝旨且柔。老齷呼鈍也。餽餽菜園此日來。羊
腳蔗尾何年到。虎頭醉倚西鄰招禴祭。戲將南面問
骷髏。因之忽憶而翁睡。一覺今年三十秋。

史甥以十柑餉

黃柑久矣斷衢州。甥也何來十顆投。照酒影中陪。皺
面無鹽腮畔落。粗癩小兒寒上嘗。寧得病老床頭渴。
正求我欲爲儂添。一傳大蘇先許拜穰侯。
穰侯見大蘇黃柑傳

徐文長逸稿卷之四

終